

安南紀畧

劉憲孫著

欽定安南紀畧卷二十一

閏五月十六日辛福康安海祿孫永清奏言阮
光顯自四月十九日進關敬齋

表文乞降之後阮有暕等曾兩次進關探問信息
並面告湯雄業阮光顯於出關後回至黎城將
臣等在關面諭事理及一切情形告知阮惠阮
惠聞之不勝欣喜每日在黎城盼望

恩旨阮光顯於五月望前即來諒山敬謹候

命嗣臣等將

勅書珍珠手巾派員恭贊至鎮南關去後據該道湯
雄業稟稱即日遣人到諒山傳喚阮光顯等到

關關外有仰

德基一座與關內昭

德基相對為向來夷人接

旨行禮之所。伊等一聞有

大皇帝勅旨。並

恩賜既惠珍物。即一面起程。一面遣人先至仰

德臺。灑掃拂拭。鋪陳齊整。擺設香案龍亭。預備梅

旨。而一路修理橋梁。填築道路。人夫絡繹不絕。既光

顯。隨後即將到關。昨初一日。復據該道湯雄業

稟稱。二十五日清晨。遵令駐關兵丁。擺齊隊伍。

豎立旗幟於闕內照

德臺上恭設香案敬供

勅書珍珠手串啟闕導阮光顯等到臺下行三跪九

叩頭禮敬謹祇領捧至仰

德臺安設龍亭之內復行三跪九叩頭禮臺下擺列

儀仗導行有陪价阮有調等捧護阮光顯隨後

進闕跪闕

勅書叩頭不止稱小邦番目親屬今日捧誦
綸音敬感

聖德

天威汪洋赫濯

俯鑒我叔光平殷懇畏悚微忱且

曲念因與黎氏構衅並心跡不能自明此時既宥其

前罪復許其投誠格外

寵以璽書

頒以珍物實為萬分僥倖萬分榮耀而我生長廣南
草莽此去得以瞻仰

天顏豈但我夢想不到即我宗族兄弟亦不想我有
如此福分今既奉

大皇帝恩旨准令進京即不敢再行出關當令陪价
阮有暘等恭捧

勅書

恩賞並賚檄諭至諒山遣該處鎮目丁公彩敬謹護
送黎城阮有暘等即收拾行裝于二十六日進
關二十七日一同起程等語並于臺下親自寫
信寄知阮惠據云信中詳寫感激

聖主天恩諄囑伊叔光平速修謝表並懇請于明年

入京瞻

觀察其神色實屬喜出望外而其感激悅服之忱幾
於口不能宣筆不能繪是日阮光顯隨湯雄業
至閤內幕府地方住宿專候陪侍阮有明等進
閤即起程前來此次護送阮光顯等進京臣等
遵

旨令湯雄業總司其事但該道係文員尚須武職大
員一同照料臣等已派廣西新太協副將德克

精額前往鎮南關照應起程同行。臣福康安臣
孫永清接到阮光顯進關之信，本日拜摺後，由
南寧起程移駐桂林，令黎維祁尋難髮改服，並
核辦板銷等事。臣海祿查閱右江一帶關隘，訪
得本年正月二月間，邊外夷人尚有互相爭鬪
之事，近日俱已安貼寧靜。及查閱完竣，回至南
寧後，每日與臣福康安會商挑補官兵額缺，考

驗弓馬等事。現今完竣。但阮光顯尚未過境。南寧為扼中之地。臣海祿尚須在此多留時日。其南寧至鎮南關一帶。夷使在途行走。亦不可無大員彈壓。已飭左江鎮總兵普吉保往來照料。查察再粵西各站遞送文書。向來俱用跑役。自上年出師安南。曾經

奏明各臺站添用塘馬。原為軍情緊急馳遞文報。

而設今安南之事已竣阮光顯徑葉進關此項
塘馬自應撤裁擬於阮惠齋送謝表進關馳進
之後即行全撤奏入

上命軍機大臣傳諭福康安曰此事福康安辦理妥
協殊屬可嘉覽奏深為欣悅前已有旨令福康安
俟阮光顯起程赴京阮惠謝表送進具奏後先回
廣東到任並料理各事著再傳諭福康安即遵照

前旨。趁此無事之時。回署看視。計筭阮光顯自行
在回至桂林之前。再赴粵西照料出關等事。此係
朕念福康安辦事出力。是以特加體恤也。

同日

上又諭內閣曰。自上年辦理安南軍務以來。沿途各
驛站。馳遞文報。尚無貽誤。現在阮惠屢次籲請乞
降。並先遣伊姪阮光顯貢表入覲。朕鑒其悃忱。俯

加允准軍事業經告藏所有驛站遞送文報之文武員弁並著照臺灣之例查明咨部議敘其驛站兵丁亦著照臺灣之例酌量給賞

二十二日勅福康安奏言據右江鎮總兵王林歸順州知州張鈞稟報有安南黎氏舊臣高平鎮目閉阮玩閉阮傑等若攜帶眷口赴曼懷隘壬莊卡等處求入並據送到閉阮玩等稟稱阮

阮等係黎氏舊臣因阮惠佔據黎城同家以逃
入林右阮惠仍四出搜尋難以躲避為此前來
籲投伏希憐赦等語隨查阮阮一起男婦三
十六名口阮阮係一起男婦五十三名口臣當
即飛飭該鎮該州派員將該夷目等順道送至
南寧給與口糧妥為照料臣面加詢問將

聖主軫念難夷忠於故主志節可嘉若有赴隘求入

者令即收留存撫之處向伊等剴切曉諭伊等
一聞我

皇上如

天好生准其收留內地妥為撫卹得以踐土食毛安穩
度日人人感激涕零如獲更生之慶聞阮傑等
曾隨官兵打仗出力臣當即加以賞賚查桂林
平樂鬱林潯州柳州等處俱有安插夷人多寡

不一。今開阮傑一起五十三名口。擬於鬱林州。
北流縣安插。阮玘一起三十六名口。擬於潯
州府武宣縣安插。俱派委員照應。逐程護送
前往。並飭地方官。撥與房舍。捐給口糧。不令稍
有失所。耳。臣初到鎮南時。與孫士毅談及。有安
南黎氏舊臣丁廷衡。曾隨官兵出力打仗。現在
江坪地方居住。流離播遷。情殊可憫。查江坪與